

Në kërkim ndërkombëtar për vrasje të mbetur në tentativë, arrestohen në Spanjë dy vëllezërit shqiptar

March 14, 2022 15:12



Në kërkim ndërkombëtar për vrasje të mbetur në tentativë, arrestohen në Spanjë dy vëllezërit. Për 2 vëllezërit, Gjykata e Durrësit ka caktuar 'arrest në burg' për vrasje të mbetur në tentativë. Të dy vëllezërit akuzohen edhe për 'prodhim e mbajtje pa leje të armëve e municioneve luftarake'

Njoftimi i policise

“Vijon bashkëpunimi i ngushtë i strukturave të Policisë së Shtetit me homologët, për kapjen e personave të shpallur në kërkim ndërkombëtar.

Finalizohet operacioni policor ndërkombëtar i koduar “Valencia”.

Operacioni u realizua nga Fast Albania në bashkëpunim të ngushtë me Fast Spain dhe me Interpolin e të dy vendeve.

Kapen dy vëllezër, të shpallur në kërkim ndërkombëtar për vrasje të mbetur në tentativë.

Falë bashkëpunimit dhe shkëmbimit të informacionit në kohë, ndërmjet FAST Albania dhe FAST Spain për vendndodhjen e dy vëllezërve në kërkim, është organizuar dhe finalizuar operacioni policor ndërkombëtar i koduar “Valencia”.

Në kuadër të operacionit, në qytetin Valencia të Spanjës, bazuar në informacionet e dhëna nga Fast Albania, u bë e mundur kapja, nga Fast Spain, e dy vëllezërve të shpallur në kërkim ndërkombëtar, E. K., 37 vjeç dhe M. K., 41 vjeç, i cili përdorte një pasaportë të falsifikuar të Maqedonisë së Veriut.

Për të dy vëllezërit, Gjykata e Rrethit Gjyqësor Durrës ka caktuar masën e sigurisë “Arrest në burg”, për veprat penale “Vrasje me dashje e kryer në bashkëpunim”, e mbetur në tentativë dhe “Prodhim e mbajtje pa leje të armëve e municioneve luftarake”.

Ky operacion tregoi rëndësinë e krijimit të strukturës policore Fast Albania si dhe profesionalizmin dhe besueshmërinë e strukturave të Policisë së Shtetit për të vepruar si të barabartë me homologët”, njofton policia.

o.j/dita



March 14, 2022 15:12

Media Sociale
Ndaje me miqtë



PrintojeNise me e-mail

ENDE PA KOMENTE

Komento



Ende pa komente!

Je i mirëpritur. Bëhu i pari që komenton këtë artikull.
Kujdes etikën.

Komento

KOMENTO

Shiko komentet

Your e-mail address will not be published.
Required fields are marked *

Komenti *

Mesazhi juaj..

Nickname *

Nickname..

E-mail *

E-mail..

Website

Website..

Posto komentin



Aleanca për
Media
Etike

Artikull joetik?

raporto këtu

